



類經圖翼

内閣文庫	
番號	漢 11991
冊數	40 ( 34 )
函號	301 26

内閣文庫	
番號	漢 11991
冊數	40 ( 34 )
函號	301 26








類經圖翼四卷

經絡二

張介賓著

藏府井原不同圖



類經圖翼四卷


經絡



# 二十經原筋井合總圖




# 太陽少陽井合圖






陽明太陰井合圖



少陰厥陰井合圖



圖經四卷

卷一

一



井榮膈經合解

靈樞九鍼十二原篇曰。五藏五膈。五五二十五膈。六府六膈。六六三十六膈。所出為井。所溜為榮。所注為膈。所行為經。所入為合。夫所出為井者。如水之源。出井。其氣正深。北方水也。所溜為榮者。榮。小水也。脈氣尚微。東方春也。所注為膈者。膈。輸也。經由此而輸。彼其氣方盛。南方夏也。所行為經者。經氣大行。正盛於此。應長夏也。所入為合者。脈氣由此內行。歸合於府藏。西方金也。按六十五難曰。井者東方春也。萬物之始

生。故言所出為井也。合者。北方冬也。陽氣入藏。故言所入為合也。似亦近理。但證之本經諸篇。則皆不合。當以經旨為是。因敢借。然經絡遍身。無往非為。改正義。詳鍼刺類第十七。穴。今各經之井榮膈經合穴。皆在手足。而不逾肘膝者。正以手肘足膝。是為四關。四關者。乃關節之處。所以係周身三百六十五節之氣也。本篇曰。節之交三百六十五會。所言節者。神氣之所遊行出入。非皮肉筋骨也。又曰。四關主治五藏。是知周身經絡。皆不出於四關。而十二經之要穴。皆不離於手足。欲求經絡之妙者。必加意於關節之會焉。



井榮陰陽配合五行剛柔  
 靈樞本輸篇曰肺出於少商為井木心出於中冲  
 為井水肝出於大敦為井木脾出於隱白為井木  
 腎出於湧泉為井水此五藏之井皆始於木也又  
 曰膀胱出於至陰為井金膽出於竅陰為井金胃  
 出於厲兌為井金三焦出於關冲為井金小腸出  
 於少澤為井金大腸出於商陽為井金此六府之  
 井皆始於金也此靈樞發各經金木之理而未悉  
 五行生合之義及六十四難經乃始分析五行剛

柔而滑伯仁又詳註陰井木生陰榮火陰榮火生  
 陰膈土陰膈土生陰經金陰經金生陰合水陽井  
 金生陽榮水陽榮水生陽膈木陽膈水生陽經火  
 陽經火生陽合土也又如陰井乙木陽井庚金是  
 乙與庚合也陰榮丁火陽榮壬水是丁與壬合也  
 陽膈甲木陰膈己土是甲與己合也陽經丙火陰  
 經辛金是丙與辛合也陽合戊土陰合癸水是戊  
 與癸合也庚為陽金故曰陽井庚者乙之剛也乙  
 為陰木故曰陰井乙者庚之柔也此其生發象四



時潮宗合河海。上下有相生之義。陰陽有相配之理。蓋其上注天時。中合人事。而下應地理者乎。

十二原解

靈樞九鍼十二原篇云。肺之原出於太淵。心之原出於大陵。肝之原出於太衝。脾之原出於太白。腎之原出於太谿。膏之原出於鳩尾。肓之原出於臍。凡此十二原者。主治五藏六府之有疾者也。本輸篇乃以太淵。大陵。太衝。太白。太谿等五原為五藏之腧。六府則膀胱之束骨為腧。京骨為原。膽之

臨泣為腧。丘墟為原。胃之陷谷為腧。衝陽為原。三焦之中渚為腧。陽池為原。小腸之後谿為腧。腕骨為原。大腸之三間為腧。合谷為原。又曰。心出於中衝。溜於勞宮。注於大陵。行於間使。入於曲澤。手少陰也。中衝以下皆手心主經穴。本篇直指為手少陰而少陰經腧別無載者。邪客篇帝曰。手少陰之脈獨無腧。何也。岐伯曰。諸邪之在於心者。皆在於心之包絡。包絡者。心主之脈也。故獨無腧焉。帝曰。少陰獨無腧者。不病乎。岐伯曰。其外經病而藏不病。故獨取其經於掌後銳骨之端。



即神門穴。手少陰，腧也。其餘脉出入屈折，行之徐疾，皆如手

少陰，心主之脉行也。故王氏註氣穴論藏腧五十

穴亦惟有心主井腧而無心經之五腧。惟獨繆刺

篇曰少陰銳骨之端各一痛。王氏註謂神門穴為

手少陰之腧者，蓋亦本於邪客篇也。

○愚按前三篇之說各有不同。在九鍼十二原篇

止言五藏之原，左右各二而復有膏之原、育之原

共為十二原。在本輸篇則以前篇五藏之原為五

腧，復有六府之原而無膏育之原。且手少陰之脉

獨無腧，而以手厥陰之腧代之。在邪客篇則明指

手少陰之腧在掌後銳骨之端，而亦皆無少陰井

榮經合，并膏育等原。難經亦然。及查甲乙經乃云

少衝者水也，少陰脉所出為井。少府者火也，少陰

脉所溜為榮。神門者土也，少陰脉所注為腧。靈道

者金也，少陰脉所行為經。少海者水也，少陰脉所

入為合。而十二經之井榮始全矣。然詳求腧原之

義如九鍼十二原篇及本輸篇所云，則陰經之原

即腧也。陽經雖有腧原之分，而腧過於原亦為同

圖經四卷

經絡

六

三頁



氣故陽經治原即所以治膈也陰經治膈即所以治原也六十六難曰十二經皆以膈為原者何也然五藏膈者三焦之所行氣之所留止也又曰原者三焦之尊號也故所止輒為原五藏六府之有病者皆取其原也及考之順氣一日分為四時篇則曰原獨不應五時以經合之以應其數然則膈可合原經亦可合原矣蓋膈在原之前經在原之後穴隣脉近故其氣數皆相應也義見鍼刺類十七

上中下本標中氣圖



大經之氣以風寒熱濕火燥為本三陰三陽為標本標之中見者為中氣中氣者如少陽厥陰為表裏陽明太陰為表裏太陽少陰為表裏表裏相通則彼此互為中氣義出六微旨大論詳運氣類六



藏府應天本標中氣圖



藏府經絡之標本。藏府為本居裏。十二經為標居表。表裏相絡者為中氣居中所謂相絡者。乃表裏互相維絡。如足太陽膀胱經絡於腎。足少陰腎經亦絡於膀胱也。餘放此。

標本中氣從化解

詳標本類第一章

至真要大論曰。少陽太陰從本。少陰太陽從本。從標。陽明厥陰不從標本從乎中也。啓玄子註曰。少陽之本火。太陰之本濕。本末同。故從本也。少陰之本熱。其標陰。太陽之本寒。其標陽。本末異。故從本。從標。陽明之中。太陰。厥陰之中。少陽。本末與中不同。故不從標本。從乎中也。從本從標。從中皆以其為化生之用也。此註殊欠明顯。即汪石山圖註亦隱晦難解。愚按。少陽太陰從本者。以少陽本火而



標陽太陰本濕而標陰標本同氣故當從本然少陽太陰亦有中氣而不言從中者以少陽之中厥陰木也木火同氣木從火化矣故不從中也太陰之中陽明金也土金相生燥從濕化矣故不從中也少陰太陽從本從標者以少陰本熱而標陰太陽本寒而標陽標本異氣故或從本或從標而治之有先後也然少陰太陽亦有中氣以少陰之中太陽水也太陽之中少陰火也同於本則異於標同於標則異於本故皆不從中氣也至若陽明厥

陰不從標本從乎中者以陽明之中太陰濕土也亦以燥從濕化矣厥陰之中少陽火也亦以木從火化矣故陽明厥陰不從標本而從中氣也要之五行之氣以木遇火則從火化以金遇土則從濕化總不離於水流濕火就燥同氣相求之義耳故本篇曰從本者化生於本從標本者有標本之化從中者以中氣為化也必詳明標本化生之所自則知所以調治之矣故張子和標本運氣歌曰少陽從本為相火太陰從本濕土坐厥陰從中火是



家陽明從中濕是我太陽少陰標本從陰陽二氣相包裹風從火斷汗之宜燥與濕兼下之可萬病能將火濕分徹開軒岐無縫鎖又其十二經水火分治歌其義大同皆本諸此詳載儒門事親第十四卷中。

○愚按六經從本從標從中者蓋以同類相從歸六氣於水火總萬病於陰陽二者而已此誠造化自然之道然而經旨深邃未易推測自啓玄子以來註皆未得及戴人張子和始發明火濕二字之

義甚得其要意謂標本相從之理止於是矣繼自劉宗厚而下莫不宗之愚亦深以爲然獨惜其治法之有未盡善者謂風從火斷汗之宜燥與濕兼下之可也此槩指六氣從化皆爲有餘而欲以汗下二法盡之若然則諸病之化豈盡屬有餘而必無不及者耶殊失聖經本意矣在內經之言蓋特舉陰陽所化之理本非謂其有餘而子和之意則但見其有餘之爲病而不知其不及之難化也夫六經之氣時有盛衰氣有餘則化生太過氣不及



則化生不前。從其化者，化之常。得其常，則化生不息。逆其化者，化之變。值其變，則強弱為災。如木從火化也。火盛則木從其化，此化之太過也。陽衰則木失其化，此化之不前也。燥從濕化也。濕盛則燥從其化，此化之太過也。土衰則金失其化，亦化之不前也。五行之氣，正對俱然。此本標化生之理所必然者。化而太過者，宜抑化而不及者，不宜培耶。治失其當，又安得謂之善哉。知乎此，則可與言化生之妙用矣。

面部部圖

詳脉色類三十二



五色篇曰。明堂者鼻也。闕者眉間也。庭者頰也。蕃者頰側也。蔽者耳門也。其間欲方大。去之十步。皆見於外。如是者壽必中百歲。明堂骨高以起。平以直。五藏次於中央。六府挾其兩側。首齒上於闕庭。王宮在於下極。五藏安於胃中。真色以致。病色不見。明堂潤澤以清。五官惡得無辨乎。




圖部面見色府藏



庭者首面也。關上者咽喉也。關中者肺也。下極者心也。直下者肝也。肝左者膽也。下者脾也。方上者胃也。中央者大腸也。挾大腸者腎也。當腎者臍也。面王以上者小腸也。面王以下者膀胱子處也。男子色在於面王為小腹痛。下為卵痛。其圓直為莖痛。在女子為膀胱子處之病。散為痛。搏為聚。

圖部面見色節肢



顛者肩也。顛後者臂也。臂下者手也。目內眥上者膺乳也。挾繩而上者背也。循牙車以下者股也。中央者膝也。膝以下者脛也。當脛以下者足也。巨分者股裏也。巨屈者膝臑也。此五藏六府肢節之部也。



手足陰陽應十二月圖

正月	二月	三月	四月	五月	六月
左足	左足	左足	右手	右手	右手
少陽	太陽	陽明	陽明	太陽	少陽
生陽		兩陽合明		夏	
春					
七月	八月	九月	十月	十一月	十二月
右足	右足	右足	左手	左手	左手
少陰	太陰	厥陰	厥陰	太陰	少陰
冬		兩陰交盡		秋	
				生陰	

手足十指應十日圖

出靈樞  
陰陽繫  
日月篇






圖水經二十合脉經二十

出經水篇



圖身形應九野太乙在所天忌圖

詳經絡類  
三十五



九宮入風篇  
以八節分八  
宮而稱為太  
一所居者正  
合月建之序  
蓋月建所在  
之方即時令  
所王之位人  
身之氣無不  
應之故凡鍼  
灸家當知避  
忌者恐傷其  
王氣耳



太一人神避忌歌

鍼灸破癰切宜忌之

立春艮上起天留  
 春分左脇倉門震  
 立夏戊辰巳巳巽  
 夏至上天丙午日  
 立秋右手當玄委  
 秋分倉果西方兌  
 立冬右足加新洛  
 冬至坎方臨叶蟄

戊寅巳丑左足求  
 乙卯日見定為仇  
 陰落宮中左手愁  
 正值膺喉離首頭  
 戊申巳未坤上遊  
 辛酉還從右脇求  
 戊戌巳亥乾位收  
 壬子腰尻下竅流

五藏六府并臍腹

招搖諸戊巳中州

逐日人神所在歌

忌鍼灸

人神之法將何起  
 二日外踝三股內  
 六手七居內踝次  
 十一鼻柱二髮際  
 十四胃腕五徧身  
 十八股內十九足  
 廿一在手小指間

一日先從足大指  
 四在腰髀五口裏  
 八腕九尻十腰背  
 十三牙齒皆相類  
 六胃十七氣衝尋  
 二十內踝須分明  
 廿二外踝廿三肝足及



廿四、手陽明勿錯

廿五、足陽明二般

廿六、在胃廿七、膝

廿八、陰中勿相逼

廿九、元來膝脛前

三十、足跌須記得

血忌歌忌鍼灸刺血

三、當避虎四、猴鄉

血忌正牛二月羊

七、龍八、狗正剛強

五、兔六、雞皆可畏

十一、偏嫌馬伏藏在午

九、在蛇宮十、在亥

是名血忌必須防

十二、月中逢鼠位

正十、干人神所在

甲日 在頭

乙日 在項

丙日 在肩臂

丁日 在膈

戊日 在腹

巳日 在背

庚日 在膝

辛日 在脾

壬日 在腎

癸日 在足

十二支人神所在

子日 在目

丑日 在耳

寅日 在膈一云面及口

卯日 在鼻一云在脾

辰日 在腰

巳日 在手一云在頭口

午日 在心腹

未日 在足一云在足心

申日 在頭一云在肩腰

酉日 在背一云在脛

戌日 在頭一云在咽喉

亥日 在項一云在臂脛膝



十二時人神所在

子時 在踝

丑時 在頭

寅時 在耳

卯時 在面

辰時 在項

巳時 在乳

午時 在脅

未時 在腹

申時 在心

酉時 在膝

戌時 在腰

亥時 在股

右皆人神所在 金不宜鍼灸慎之慎之

禁鍼穴歌 共三十一穴

禁鍼穴道要 先明

絡却玉枕角孫穴

腦戶顙會及神庭

顙顙承泣隨承靈

神道靈臺臆中忌

水分神闕并會陰

橫骨氣衝手五里

箕門承筋及青靈

乳中上臂三陽絡

二十三穴不可鍼

孕婦不宜鍼合谷

三陰交內亦通論

石門鍼灸應須忌

女子終身無妊娠

外有雲門并鳩尾

缺盆客主人莫深

肩井深時人悶倒

三里急補人還平

禁灸穴歌 四十七穴

禁灸之穴四十七

承光瘡門風府逆



睛明攢竹下迎香  
 腦戶耳門瘰脉通  
 頭維下關人迎等  
 乳中脊中白環俞  
 腹哀少商并魚際  
 陽池陽關地五會  
 般門申脉承扶忌  
 陰市下行尋犢鼻

天柱素膠上臨泣  
 禾膠顴膠絲竹空  
 肩貞天牖心俞同  
 鳩尾淵腋如周榮  
 經渠天府及中衝  
 漏谷陰陵條口逢  
 伏兔髀關連委中  
 諸穴休將艾火攻

鍼灸諸則

一凡諸病之作皆由血氣壅滯不得宣通鍼以開  
 導之灸以溫暖之治畢須好將護忌生冷醋滑  
 等物若不知慎必反生他疾  
 一凡灸頭與四肢必火足氣到方能愈病然頭巔  
 四肢肉薄若併灸之則血氣絕於下宜時為歇  
 火或隔日再報使血脉通達火氣流行積數充  
 足自然除疾又如本經鍼法多云刺入三分灸  
 三壯之類乃繁舉大綱未盡心法且手足皮薄  
 宜炷小數少腹背肉厚宜炷大壯多皆當以意



推測若灸背者宜熟斯佳也。凡灸察生熟之候。當以人之盛衰老少肥瘦為則。凡灸臍下火冷。亦痕瘁癢氣塊伏梁積氣宜艾炷大。又小品諸方云。腹背宜灸五百壯。四肢則但去風邪不宜多。灸七壯至七七壯止。不得過。隨年數如巨闕鳩尾雖是胃腹之穴。灸不過七七壯。艾炷不須大。以竹筋頭作炷。正當脉上灸之。若灸此處而炷大。灸多令人永無心力。如頭頂穴若灸多令人失精神。臂脚穴灸多令人血脉枯竭。四肢細

瘦無力。既復失精神。又加於細瘦。即脫人真氣也。

一 凡微數之脉及新得汗後並忌灸。

一 凡人年三十以上。若灸頭不灸三里。令人氣上。

眼闇以三里穴能下氣也。凡一切病皆灸三里。


三壯。每日常灸氣下乃止。

一 凡灸法。須先發於上。後發於下。先發於陽。後發於陰。凡鍼刺大法。多宜在午時之後。不欲在午時之前。




九鍼圖 出九鍼論

一日 鑱鍼




其頭大其末銳取法于中  
鍼去末寸半漸銳之長一  
寸六分主熱在頭身用之

二日 員鍼




其身大其末員取法于絜  
筋其身外其鋒取法于絜  
鍼長一寸六分主治分肉  
間氣滿身用之

三日 鍤鍼



其身大其末員取法于絜  
粟之銳長三寸半主按脉  
取氣令邪氣出

四日 鋒鍼



其身大其末員取法于絜  
筋其身鋒其末取法于絜  
鍼長一寸六分主癰熱出  
血用之。○九鍼十二原篇  
曰。凡三隅以發癰疾。

五日 鈹鍼



其末如劍鋒可以取大膿  
廣二分半長四寸主大癰  
膿兩熱爭者用之。


六日 員利鍼



尖如釐且員且銳微大其  
末反小其身取法于釐鍼  
長一寸六分主取癰痺




七日 毫鍼




尖如蚊虻喙。取法于毫毛。長一寸六分。主寒熱痛痺在絡。

八日 長鍼



長其身。鋒其末。取法于綦。鍼長七寸。主取深邪遠痺。

九日 大鍼



其鋒微員。取法于鋒。鍼長四寸。主取太氣不出關節。

類經圖翼四卷終

類經圖翼五卷

經絡三

諸部經絡發明

張介賓類著

頭面部

喉口唇舌部

頸肩部

胃腹部

背部

脇肋部

四肢部

皮毛肌肉部

筋骨血脉部

藏府部

前後陰部



頭面部

巔○足太陽交巔○足厥陰與督脉會於巔俱經絡二  
 ○手少陽別於巔經絡三○足少陽之筋交巔上經絡四  
 ○督脉上額交巔入絡腦經絡十七  
 腦髓○足太陽直者入絡腦經絡二○足陽明循眼  
 系入絡腦經絡十三○諸髓者皆屬於腦經絡十一○  
 腦為髓之海經絡十二○腦者陰也髓者骨之充  
 也疾病八○髓者以腦為主疾病三○肌肉之精  
 為約束裹擷筋骨血氣之精而與脉并為系上疾病十六

屬於腦疾病八

額顙○足陽明循髮際至額顙○足太陽上額○  
 足厥陰上出額俱經絡二○足少陽之筋直者上額  
 角○手少陽之筋結於角俱經絡四○手足少陰太  
 陰足陽明此五絡皆上絡左角鍼刺三十  
 頭○足少陽上抵頭角經絡三○足太陽之筋直者  
 上頭○手陽明之筋直者上左角俱經絡四○  
 督脉之別散頭上經絡五○頭者精明之府疾病九

十



面○任脉循面經絡二○足少陽之別散於面○

手少陰出於面俱經○諸陽之會皆在於面病疾

三○十二經脉三百六十五絡其血氣皆上於

面而走空竅藏象○心者生之本其華在面藏象

類

目附命○目者肝之官也脉色三○東方色青入

通於肝開竅於目藏象○東方生風在竅為目

藏象○敷和之紀其主目運氣○任脉入目○

督脉與太陽起於目內眥其少腹直上者上繫

兩目之下俱經絡○蹻脉屬目內眥氣不營則

目不合經絡二○足太陽有通項入於腦者正

屬日本名曰眼系○陰蹻陽蹻陰陽相交陽入

陰陰出陽交於目銳眥陽氣盛則瞋目陰氣盛

則瞑目俱鍼刺○足太陽起目內眥經絡○足

太陽之筋支者為目上網○足陽明之筋上合

於太陽為目下網○足少陽之筋支者結於目

眥為外維俱經絡○足陽明還繫目系經絡○足

少陽起目銳眥至銳眥後○手太陽至目銳眥



支者至目內眥○手少陽至目銳眥○手少陰  
 繫目系○足厥陰連目系絡二俱經○手少陰合目  
 內眥經絡三○手陽明之別者合於宗脉經脉五○  
 足少陽繫目系合少陽於外眥經絡三○肝氣通  
 於目肝和則目能辨五色矣經絡二○平旦陰  
 盡陽氣出於目目張則氣上行於頭夜則氣行  
 於陰而復合於目經絡二○其精陽氣上走於  
 目而為精藏象二十○心者五藏之專精也目者其  
 竅也疾病八十○目者宗脉之所聚也上液之道也

疾病七○諸脉者皆屬於目經絡二○五藏六  
 府目為之候○五藏六府之津液盡上滲於目  
俱疾病五十八○五藏六府之精氣皆上注於目而為  
 之精精之窠為眼骨之精為瞳子筋之精為黑  
 眼血之精為絡其窠氣之精為白眼肌肉之精  
 為約束○目者五藏六府之精也管衛翳鬼之  
 所常管也神氣之所生也○目者心使也俱疾病八

十一

命門○太陽結於命門命門者目也經絡十二  
 ○三十一



鼻附天 ○鼻者肺之官也脉色三 ○西方白色入

通於肺開竅於鼻藏象 ○肺主鼻在竅為鼻藏象

五 ○審平之紀其主鼻運氣 ○手陽明上挾鼻

孔 ○足陽明起於鼻之交頰中下循鼻外 ○手

太陽支者抵鼻俱經 ○足陽明之筋下結於鼻

○足太陽之筋結於鼻俱經 ○其宗氣上出於

鼻而為鼻藏象 ○肺氣通於鼻肺和則鼻能知

香臭矣經絡二 ○天牝從來復得其往論治

天牝 ○天牝從來復得其往論治

耳 ○耳者腎之官也脉色三 ○南方赤色入通於

心開竅於耳藏象 ○腎主耳在竅為耳藏象 ○

足太陽支者至耳上角 ○足陽明循頰車上耳

前 ○足少陽下耳後支耳中出耳前 ○手太陽

入耳中 ○手少陽繫耳後出耳上角支入耳中

出耳前俱經 ○手陽明之別者入耳合於宗脉

五經絡 ○足少陽之筋出太陽之前循耳後 ○足

陽明之筋其支者結於耳前 ○手太陽之筋結

於耳後完骨支者入耳中直者出耳上俱經 ○



手厥陰出耳後合少陽完骨之下二經絡○十二  
 經脉三百六十五絡其別氣走於耳而為聽藏象  
 十二○手足少陰太陰足陽明五絡皆會於耳中  
 上絡左角三鍼刺○足少陽之標在窻籠者耳也  
 經絡十二○耳者宗脉之所聚也疾病七○腎氣通  
 於耳腎和則能聞五音矣經絡二  
 枕骨○足太陽之筋直者結於枕骨○足少陰之  
 筋結於枕骨與足太陽之筋合俱經絡四  
 完骨○足太陽之筋上結於完骨○手太陽之筋

結於耳後完骨俱經絡四○手厥陰出耳後合少陽  
 完骨之下二經絡  
 顙○手太陽斜絡於顙二經絡  
 頰○足太陽之筋支者下結於頰○足陽明之筋  
 合於頰○手陽明之筋支者結於頰○足少陽  
 之筋結於頰俱經絡四○躄脉入頰經絡二  
 頰○手太陽支者上頰○手少陽至頰○足少陽  
 抵於頰俱經絡二○足陽明上頰經絡三  
 頰○手陽明支者貫頰○手太陽支者循頸上頰



○手少陽下頰 ○足少陽下加頰車 ○足厥陰  
 支者下頰裏 ○足陽明循頰車俱經絡二 ○足少陽  
 在耳下曲頰之後經絡十 ○手少陽之筋其支者  
 當曲頰經絡四

頤 ○任脉上頤 ○督脉上頤俱經絡二十七 ○足陽明循  
 頤後下廉經絡二 ○足少陽之別出頤領中經絡三

頤 ○足少陽之筋下走頤 ○手太陽之筋結於頤  
 ○手少陽之筋上乘頤 ○手陽明之筋直者下  
 右頤俱經絡四

頰 ○足太陽之筋下頰經絡四  
 人中 ○手陽明交人中經絡二  
 承漿 ○足陽明下交承漿經絡二

喉口唇舌部

咽喉 ○任脉至咽喉 ○督脉入喉俱經絡二十七 ○衝脉  
 任脉會於咽喉藏象十七 ○足陽明循喉嚨 ○手太  
 陽循咽 ○足少陽循喉嚨 ○足厥陰循喉嚨之  
 後上入頰頰 ○手少陰支者上挾咽俱經絡二 ○足  
 少陽之別上挾咽 ○足陽明上循咽 ○足太陰



合於陽明上行結於咽○手少陰之正上走喉  
 嚨○手厥陰出循喉嚨○手陽明上循喉嚨○  
 手太陽循喉嚨俱經絡三○足陽明挾咽之動脈經絡  
 十○上焦並咽以上經絡二  
 噤○足太陰脈絡噤疾病十三  
 會厭○厭小而疾薄則發氣疾其開闔利厭大而  
 厚則開闔難其氣出遲○足之少陰絡於橫骨  
 終於會厭俱鍼刺四十五  
 口○中央黃色入通於脾開竅於口藏象四○脾主

口在竅為口藏象五○備化之紀其主口運氣十三○  
 手陽明挾口○足陽明上挾口俱經絡二○足陽明  
 出於口經絡三○脾氣通於口脾和則口能知五  
 穀矣經絡十二○衝任之脈絡唇藏象十七  
 唇○脾之合肉也其榮唇也藏象八○脾胃大小腸  
 三焦膀胱者倉廩之本其華在唇四白藏象二  
 督脈環唇經絡十七○足陽明環唇○足厥陰環  
 唇內俱經絡二○口唇者脾之官也脈色三十一○唇舌  
 者肌肉之本也疾病九十五



舌○舌者心之官也脉色三十一○中央黃色入通於

脾開竅於口故病在舌本藏象四○足少陰之脉

貫腎繫舌本疾病六十二○心主舌在竅為舌藏象五

○升明之紀其主舌運氣十三○足太陰連舌本散

舌下○足少陰挾舌本俱經二○足太陰貫舌中

○足少陰直者繫舌本俱經三○足少陰舌下

九○足少陰之標在背膂與舌下兩脉經絡十二○

足之少陰上繫於舌鍼刺四十五○手少陰之別繫

舌本經絡五○手少陽之筋支者入繫舌本○足

太陽之筋支者別入結於舌本俱經四○上焦上

至舌經絡十三○厥陰者肝脉也肝者筋之合也

筋者聚於陰器而脉絡於舌本疾病九十五○其濁

氣出於胃走脣舌而為味藏象二十一○心氣通於舌

心和則舌能知五味矣經絡十二

齒牙○手陽明入下齒中○足陽明下循鼻外入

上齒中俱經二○手陽明之別徧齒經絡五○手少

陽之筋支者上曲牙經絡四○足陽明循牙車經絡

三○足太陽有入頰徧齒者名曰角孫上齒齩六



取之鍼刺四十四齒者骨之所終也氣味三

頸肩部

項頸○督脉之別上項經絡五○督脉還出別下項

經絡二○足太陽下項○足少陽循頸○手太

陽循頸○手少陽上項○足厥陰循喉嚨之後

上入頰額俱經絡二○足太陽從膂上出於項○足

少陰繫舌本復出於項俱經絡三○足陽明之別上

頭項經絡五○中央之脉督脉也經絡十○足少

陰之筋挾膂上至項○手太陽之筋其支者循

頸出走太陽之前○手陽明筋直者從肩髃上

頸俱經絡四○衝脉上者出於頰額鍼刺一十○肌肉之

精為約束裹擷筋骨血氣之精而與脉系後出

於項中疾病八

肩○足太陽循肩髃內下貫胛○足少陽至肩上

○手太陽繞肩胛交肩上○手陽明上肩出髃

骨之前廉○手少陽循臑外上肩俱經絡二○手太

陽之別絡肩髃○手陽明之別上乘肩髃俱經絡五

○足太陽之筋支者結於肩髃○手陽明之筋



結於髑其支者繞肩胛○手太陰之筋結肩前  
俱經髑絡四○督脉之別當肩胛左右走太陽經絡五

督脉循肩膊經絡二

缺盆○足陽明入缺盆○足少陽入缺盆○手大

陽入缺盆○手陽明出入缺盆○手少陽出入

缺盆俱經○足太陽之筋上出缺盆○足陽明

之筋至缺盆而結○足少陽之筋結於缺盆俱經

○手太陰上出缺盆經絡三○五藏六府心為

之主缺盆為之道藏象二

胃腹部

胃○足少陽下胃中○足少陰注胃中○手厥陰

起胃中俱經○手少陽注散胃中○脾之大絡

布胃俱經○手心主之正別下淵腋三寸入胃

中經絡三○足太陰之筋散於胃中○手太陰之

筋下結胃裏○手少陰之筋結下胃中○手厥

陰之筋入腋散胃中俱經○衝脉俠齊上行至

胃中而散經絡二○躡脉上循胃裏經絡二

膻中○手少陽布膻中經絡二○足厥陰絡於膻中



經絡  
三十

膻中者心主之宮城也

疾病五十六

膈○手太陽下膈○手少陽下膈○手厥陰下膈

○足少陽貫膈○足太陰上膈○足厥陰上貫

膈○足陽明下膈○足少陰從腎上貫肝膈俱經

絡

乳○足陽明下乳內廉二經絡○手陽明之正從手

循膺乳三經絡○足少陽之筋繫於膺乳○手少

陰之筋交太陰挾乳裏俱經絡四○胃之大絡名曰

虛里出左乳下脉色十一

鳩尾○任脉之別下鳩尾五經絡

腹○足陽明之正入於腹裏三經絡○足陽明之筋

上腹而布四經絡○足太陰上入腹○足厥陰抵

小腹俱經絡二○任脉之別散於腹五經絡○任脉者

循腹裏十七經絡二○小腹膈下三結交者陽明太

陰也鍼刺五十三

臍○足陽明下挾臍二經絡○足太陰之筋結於臍

○手少陰之筋下繫於臍俱經絡四○衝脉者起於

氣街並足少陰之經挾臍上行至胷中而散○



督脉少腹直上者貫臍中央俱經絡二十七

背部

背脊○西方白色入通於肺故病在背藏象四○足

太陽挾脊○足少陰貫脊俱經絡二○足陽明之筋

上循脇屬脊○足太陰之筋內者著於脊○足

少陰之筋循脊內○手陽明之筋支者挾脊俱經絡

四絡○督脉貫脊經絡二○背者胃中之府疾病九

一○邪在小腸者屬於脊鍼刺四

督○足太陽入循督經絡二○足少陰之筋挾脊上

項四經絡○督脉之別挾脊貫脊五經絡

腰○足太陽抵腰中二經絡○足少陰之別貫腰經絡

五○督脉挾脊抵腰中二經絡二○腰者腎之府

疾病九十一

脇肋部

腋○足少陽直者下腋○手太陰橫出腋下○手

少陰下出腋下○手厥陰上抵腋下俱經絡二○手

太陽之正入腋走心○手少陰之正別入淵腋

兩筋之間○手心主之正別下淵腋三寸入胃



中○手太陰之正別入淵腋少陰之前入走肺

俱經絡三○足太陽之筋支者從腋後外廉入腋下

○足少陽之筋其直者上走腋前廉○手太陽

之筋入結於腋下俱經絡四○脾之大絡名大包出

淵腋下三寸經絡五○上焦布胃中走腋經絡十二

脇○足少陽循脇裏直者過季脇○手厥陰出脇

○足厥陰布脇肋俱經絡二○足陽明之筋上循脇

○手太陰之筋下抵季脇○手厥陰之筋前後

挾脇俱經絡四○脾之大絡布脇經絡五

肋○足太陰之筋循腹裏結於肋經絡四

四肢部

四肢○四支皆稟氣於胃而不得至經必因於脾

乃得稟也疾病十三○四支者諸陽之本也疾病十二

手大指○手太陰出手大指端經絡二

手食指○手太陰直出次指內廉出其端○手陽

明起大指次指端俱經絡二

手中指○手厥陰循中指出其端經絡二

手名指○手厥陰支者循小指次指出其端○手



少陽起手小指次指之端俱經絡二

手小指○手太陽起小指之端○手少陰循小指之內出其端俱經絡二

手掌○手太陰之別直入掌中經絡五○手少陰抵

掌後銳骨之端入掌內後廉○手厥陰入掌中

俱經絡二

手腕○手太陰從腕後○手太陽循手外側上腕

○手少陽循手表俱經絡二○手太陽之筋結於腕

○手少陽之筋結於腕○手陽明之筋結於腕

俱經絡四○手太陰之別名列缺起腕上○手少陰

之別名通里去腕寸半別而上行○手心主之

別名內關去腕二寸出兩筋間○手太陽之別

名支正上腕五寸內注少陰○手陽明之別名

偏歷去腕三寸入太陰○手少陽之別名外關

去腕二寸外遶臂俱經絡五

合谷○手陽明出合谷兩骨間經絡二

寸口○手太陰之筋循大指上行結於魚後行寸

手口外側經絡四



手踝○手太陽循手外側出踝中二 經絡

肘○手太陽出肘內側兩筋之間○手陽明入肘

外廉○手少陽上貫肘○手太陰行心主之前

下肘中○手少陰下肘內二 俱經 絡二○手太陽之筋

結於肘內銳骨之後彈之應小指之上○手厥

陰之筋與太陰並行結於肘內廉俱經 絡四

臂○手太陽循臂骨下廉○手陽明循臂上廉○

手少陽出臂外兩骨之間○手太陰循臂內○

手少陰循臂內後廉○手厥陰下臂行兩筋之

間俱經 絡二○手厥陰之筋上臂陰其支者結於臂

四經絡

臑○手太陽上循臑外後廉○手陽明上臑外前

廉○手少陽循臑外○手太陰下循臑內○手

少陰下循臑內後廉○手厥陰循臑內行太陰

少陰之間俱經 絡二

足○陽氣起於足五指之表陰脉者集於足下而

聚於足心陰氣起於五指之裏集於膝下而聚

於膝上疾病三 十四



足大指○足太陰起於大指之端循內側○足陽  
 明支者入大指出其端○足少陽支者別跗上  
 入大指之間出其端還貫爪甲出三毛○足厥  
 陰起大指叢毛之際俱經二○手少陽三焦下膈  
 在於足大指之前少陽之後經絡十六○衝脉入足  
 大指經絡十三  
 足中指○足陽明入中指內間其支者入外間經絡  
 二○足陽明之筋起於中三指經絡四  
 足各指○足少陽入小指次指之間經絡二○足少

陽之筋起於小指次指經絡四  
 足小指○足太陽循京骨至小指外側○足少陰  
 之脉起於小指之下邪走足心俱經二○足太陽  
 之筋起於足小指經絡四  
 足心○足少陰邪走足心經絡二○衝脉入足下經絡  
 三十  
 是本節○足太陰之别名公孫去本節後一寸走  
 陽明經絡五  
 足跗○足陽明下足跗○足少陽循足跗上○足



厥陰上循足跗上廉俱經絡二○足陽明之筋結於

跗上四經絡○衝脉別者出跗屬上下十三經絡

足跟○足太陽之筋上循跟四經絡○足少陰循內

踝之後別入跟中二經絡

踵○足太陽之筋循足外踝結於踵○足少陰並

足大陰之筋結於踵俱經絡四

內踝○足太陰上內踝前廉○足厥陰上踝八寸

交出大陰之後俱經絡二○足太陰之筋上結於內

踝○足厥陰之筋上結於內踝之前○足少陰

之筋並足太陰之筋邪走內踝之下俱經絡四○足

少陰之別名大鍾當踝後遠跟走太陽○足厥

陰之別名蠡溝去內踝五寸走少陽俱經絡五○衝

脉並少陰之經下入內踝之後經治十三○躡脉上

內踝之上經絡二十八

外踝○足太陽出外踝之後○足少陽下出外踝

之前俱經絡二○足太陽之筋上結於踝○足少陽

之筋上結外踝俱經絡四○足太陽之別名飛陽去

踝七寸別走少陰○足少陽之別名光明去踝



五寸走厥陰○足陽明之别名豐隆去踝八寸

走太陰俱經絡五○足太陽之别名

足脛○足陽明循脛外廉○足太陰循脛骨後俱經絡

○足厥陰之別循脛經絡五○足少陽之筋上

循脛外廉經絡四○衝脉循脛骨內廉温足脛經絡

三○衝脉下者伏行胛骨內鍼刺二十○

膞○足太陽下貫膞內○足少陰上膞內俱經絡二

足太陽之筋別者結於踝外經絡四○三焦下膞

上踝五寸別入貫膞腸經絡十六

膝○足陽明下膝臏中○足太陰上膝股內前廉

○足少陽出膝外廉俱經絡二○足太陽之筋自外

踝邪上結於膝○足陽明之筋上結於膝外廉

俱經絡四○膝者筋之府疾病九十一

輔骨○足少陽下外輔骨之前經絡二○足陽明之

筋其支者結於外輔骨合少陽○足太陰之筋

直者絡於膝內輔骨○足少陰之筋與太陽之

筋合而上結於內輔之下○足少陽之筋支者

別起外輔骨○足厥陰之筋上結內輔之下俱經絡



絡四

臆中○足太陽從後廉下合臆中○足少陰出臆  
內廉○足厥陰上臆內廉俱經絡二○足太陽之正  
別入於臆中經絡三○足太陽之經結於臆經絡四  
○三焦下脘出臆中外廉經絡十六○衝脉邪入臆

中經絡十三

上廉下廉○足陽明下三里三寸為巨虛上廉復  
下上廉三寸為巨虛下廉大腸屬上小腸屬下  
足陽明胃脉也經絡十六○大腸合於巨虛上廉小

腸合於巨虛下廉鍼刺二

伏兔○足陽明之筋直者上循伏兔○足少陽之

筋前者結於伏兔之上俱經絡四

股○足少陰上股內後廉○足厥陰循股陰俱經絡二

○足太陰之筋上循陰股○足少陰並大陰之

筋而上循陰股俱經絡四○衝脉循陰股內廉經絡十三

髀○足太陽過髀樞循髀外○足少陽橫入髀厭

中以下循髀陽俱經絡二○足陽明之正上至髀○

足太陰之正上至髀○足少陽之正繞髀俱經絡三



○足少陽之筋其支者上走髀○足陽明之筋結於髀樞其直者上結於髀○足太陰之筋上結於髀俱經絡四

節○諸筋者皆屬於節經絡二十一

谿○北方黑色入通於腎故病在谿藏象四

四末○四末陰陽之會者此氣之大絡也經絡十三

陽受氣於四末鍼刺二十八

四街○四街者氣之徑路也經絡十三

皮毛肌肉部

皮毛○西方生燥在體為皮毛藏象五○肺者氣之本其華在毛其充在皮藏象二

榮毛也藏象八○審平之紀其養皮毛運氣十三○肺合大腸大腸者皮其應

○腎合三焦膀胱三焦膀胱者腠理毫毛其應俱藏象二十八

髮○腎者主鬢封藏之本其華在髮藏象二○腎之合骨也其榮髮也藏象八

肌○三焦膀胱者倉廩之本其華在唇四白其充

肉在肌藏象二

○中央土屬脾其氣肉



肉○脾之合肉也藏象八○中央生濕在體為肉藏象

爪五○備化之紀其養肉運氣十三○脾合胃胃者肉

其應藏象二○筋者聚於陰器而脈絡於舌本疾病九

筋爪○東方生風在體為筋藏象五○敷和之紀其

養筋運氣十三○足厥陰絡諸筋經絡四○肝之合筋

也其榮爪也藏象八○肝者罷極之本其華在爪

其充在筋藏象二○肝合膽膽者筋其應藏象二

筋者聚於陰器而脈絡於舌本疾病九

骨○北方生寒在體為骨藏象五○腎者主蟄封藏

之本其充在骨藏象二○腎之合骨也藏象八○靜

順之紀其養在骨髓運氣十三○骨者髓之府疾病九

大十○心者生之本其充在血脉藏象二○心之合

脉也藏象八○南方生熱在體為脉藏象五○升明

之紀其養血運氣十三○心合小腸小腸者脉其應

藏象二

藏府部



肺○審平從革堅成之紀其藏肺運氣十三○手太陰

屬肺○手陽明絡肺○手少陰上肺○足少陰

直者入肺中○足厥陰上注肺俱經絡二○諸氣者

皆屬於肺經絡二○肺者氣之本藏象二○脾氣

散精上歸於肺藏象十二

大腸○手陽明屬大腸○手太陰下絡大腸俱經絡二

○足太陰之別者入絡腸胃經絡五

胃○足陽明屬胃○足太陰絡胃○手大陽抵胃

○足厥陰挾胃○手太陰循胃口俱經絡二○手太

陰之筋散貫經絡四○大腸小腸皆屬於胃經絡

十○足太陰脉貫胃屬脾疾病十三

脾○備化卑監敦阜之紀其藏脾運氣十二○足太陰

屬脾○足陽明絡脾俱經絡二

心○升明伏明赫曦之紀其藏心運氣十三○手少陰

起心中出屬心系○手太陽絡心○足太陰支

者注心中○足少陰支者絡心俱經絡二○足太陽

循膺當心入散○足少陽貫心○足陽明上通

於心俱經絡三○手心主之別絡經絡五○督脉



上貫心經絡二 ○足太陽背俞注於心疾病六

○諸血者皆屬於心經絡二

小腸 ○手太陽屬小腸 ○手少陰絡小腸俱經

足太陰之別者入絡腸胃經絡五

膀胱 ○足太陽屬膀胱 ○足少陰絡膀胱俱經

三焦下膂並太陽之正入絡膀胱約下焦經絡十六

○三焦合入於委陽鍼刺二

腎 ○靜順涸流流衍之紀其藏腎運氣十三 ○足少陰

屬腎 ○足太陽絡腎俱經 ○足少陰之正別走

太陽而合上至腎經絡三 ○腎合三焦膀胱藏象二十

八 ○衝脉者十二經之海也與少陰之大絡起

於腎下經絡十三 ○衝脉下者注少陰之大絡鍼刺二十

○胞絡者繫於腎疾病六

心包絡 ○手厥陰屬心包絡 ○手少陽散絡心包

俱經 ○足少陰之別者上走心包經絡五

三焦 ○手少陽屬三焦 ○手厥陰絡三焦俱經

三焦下膂在於足大指之前少陽之後出於膈

中外廉名曰委陽是太陽絡也手少陽經也三



焦者足少陽太陽之所將太陽之別也經絡十六○  
手太陰之脉起中焦經絡二

膽○足少陽屬膽○足厥陰絡膽俱經絡二

肝○敷和委和發生之紀其藏肝運氣十三○足厥陰

屬肝○足少陽絡肝○足少陰上貫肝膈俱經絡二

○足少陽散之上肝經絡三

前後陰部

二陰○北方黑色人通於腎開竅於二陰藏象四○

靜順之紀其主二陰運氣十三

陰器○足厥陰過陰器經絡二○足厥陰脉循陰器

而絡於肝疾病三十九○足陽明之筋聚於陰器○

足太陰之筋直者聚於陰器○足少陰之筋並

太陰而上結於陰器○足厥陰之筋結於陰器

俱經絡四○足厥陰之別者循脛上臑結於莖經絡五

○任脉者起於中極之下以上毛際○督脉起

於少腹以下骨中央女子入繫廷孔其絡循陰

器合篡間繞篡後其男子循莖下至篡與女子

等俱經絡二十七○躡脉循陰股入陰經絡二十八○前陰



者宗筋之所聚太陰陽明之所合也疾病三十四○

衝脉者經脉之海也主滲灌谿谷與陽明合於

宗筋陰陽總宗筋之會會於氣街而陽明為之

長疾病七十一

毛際○足厥陰入毛中○足少陽出氣街遶毛際

俱經絡二○足少陽之正入毛際合於厥陰絡三

臑○足厥陰別者上臑絡五○邪在小腸者連臑

系鍼刺四十七

臀○足太陽貫臀絡二○足太陽之筋上結於臀

經絡四○督脉別繞臀絡十七

肛○足太陽之正下尻五寸別入於肛絡三

尻○足少陽之筋後者結於尻絡四




圖書三

卷終

二十六

圖翼五卷終



卷終  
甲戌



